

Starfsáætlun leikskólans
Leikskólinn Akur
fyrir skólaárið 2025-2026



NÚRGIS EHF

Um leikskólann

Leikskólinn Akur er til húsa að Tjarnabraut 1 í Innri Njarðvík. Skólaárið 2025 til 2026 er 19. starfsár leikskólans og er skólastjóri Sigrún Gyða Matthíasdóttir. Leikskólinn er rekinn af Núrgis ehf. samkvæmt þjónustusamningi við Reykjanesbæ. Núrgis tók við af Hjallastefnunni árið 2025 en vinnur enn í samvinnu við hana.

Starfsáætlun þessi tekur gildi þann 1. september 2025 og er skilað til Reykjanesbæjar.

Tölulegar upplýsingar - börn

Fjöldi barna fyrir skólaárið er áætlaður 127, 60 stúlkur og 64 drengir eru komin í nám nóvember 2025 eða samtals 124 börn. Mikill meirihluti barna er í 8-8,5 klst vistun eða 122 börn, eitt barn í 5,5 klst vistun og eitt barn í 4 klst vistun.

Fjöldi þeirra barna sem fyrirsjáanlegt er að njóti sérstuðnings eru 3. Börn með málþroskafrávik eru 12. Fjöldi stöðugilda sem nýtt eru í sérkennslu/stuðning skólárið 2025-2026 eru 5,5. Við mætum þjónustuþörf barna um leið og þörf er á með auknum stöðugildum og úrræðum en þar eru *Lög um samþættingu þjónustu í þágu farsældar barna* höfð að leiðarljósi..

Fjöldi barna sem hafa íslensku sem annað eða þriðja mál er 25.

Tungumál	Nemendur
Íslenska	103
Enska	8
Portúgalska	3
Arabíska	2
Danska	2
Sænska	2
Filipíska	1
Króatíska	1
Litháíska	1
Norska	1
Pólska	1

Rússneska	1
Tælenska	1
Þýska	1

Starfsmannamál

Starfsmenn leikskólans Akurs þetta skólaárið eru 38 talsins. Þessi tala getur þó breyst yfir árið ef nemendum fjölgar eða fækkar eða ef þörf fyrir sérkennslu breytist, en hún er endurskoðuð mánaðarlega. Hjallastefnan stendur fyrir öflugtu samstarfi allra Hjallastefnuskóla um starfsþróun og símenntun starfsfólks en að auki gefst starfsfólki kostur á að sækja sér menntun og starfsþekkingu úr öðrum áttum og hvetur leikskólinn Akur starfsfólk sitt eindregið til þess. Tveir starfsmenn eru að nema Leikskólakennarafræði þessa stundina og þrír starfsmenn þroskaþjáfanám. Um starfsþróun og símenntun má nánar lesa í símenntunaráætlun leikskólans.

Faglegar áherslur

Leikskólinn Akur starfar eftir hugmyndafræði Hjallastefnunnar. Hugmyndafræðin byggir í stórum dráttum á hugsjónum um jafnrétti og velferð og henni er lýst í skólanámskrá leikskólans, í bókinni „Æfingin skapar meistarann“ eftir Margréti Pálu Ólafsdóttur höfund stefnunnar, í ýmsum ritum útgefnum af Hjallastefnunni ehf. og á fræðsluvef félagsins.

Leikskólinn starfar að sjálfsögðu einnig á grundvelli Aðalnámskrár leikskóla frá árinu 2011 og er útfærslum á markmiðum hennar lýst í skólanámskrá leikskólans. Einnig tekur leikskólinn mið af Menntastefnu Reykjanesbæjar 2021-2030 og Læsis stefnu Reykjanesbæjar. Þróuð hefur verið Læsis- og stærðfræðiáætlun Leikskólans Akurs út frá kynjanámskrá Hjallastefnunnar og Orðaforðalista Menntamálastofnunar ásamt því að flétta inn Lubba hljóðin, orðatiltæki, þulur og sönglög sem tengjast hverri lotu fyrir sig. Áætlunin er aðgengileg á heimasíðu okkar leikskolinnakur.is.

Auk Hjallastefnunnar og lögbundinna áherslupátta í Aðalnámskrá leikskóla á leikskólinn Akur sér sínar sérstöku áherslur. Fjölmennung er okkur ofarlega í huga og erum við með fjölmennungarverkefni í gangi til þess að tengja betur heimili og skóla fjöltyngdra barna. Þá leggjum við áherslu á að skólinn útvegi tulkþjónustu þegar þess

er þörf og einnig að foreldrar af erlendum uppruna sé boðið að koma og kynna fyrir börnum og kennurum þætti úr menningu heimalandsins, hvort sem það er í formi matargerðar, tónlistar eða staðarháttar.

Við erum með öflugt 5 ára starf á leikskólanum og undanfarin ár hefur verið áhugi fyrir því að efla og bæta útisvæði skólans. Fyrir fimm árum var settur upp nýr kastali á lóð skólans ásamt því að haldið verður áfram að rækta upp lóðina. Undanfarin ár hafa foreldrar og kennarar unnið markvisst að uppbyggingu á lóðinni með gróðri og ræktun, meðal annars með því að gróðursetja tré og fegra útisvæðið okkar. Á lóðinni hefur gamli hæsnakofinn verið uppfærður í það sem við köllum nú Hæsnahöllina okkar, en hún er hugsuð fyrir allt nær samfélagið til að njóta góðs af.

Aðalmarkmið þessa skólaárs verður að kafa dýpra í hugmyndafræði Hjallastefnunnar, leggja mikla áherslu á málörvun og tónlist og auka gæði í barnastarfi. Einnig stefnum við að því að starfsfólk deili fagþekkingu sinni um húsið og fræði samkennara og nemendur um ákveðin málefni sem kennarar eru sérfróðir í og þekkja vel. Þannig fá allir vel að njóta og læra um hin ýmsu málefni t.d. táknmál, skipulagðir hópatímar, hugarfrelsi, Lubbi finnur málbein, kynjanámskrá, að spila lög fyrir börn á gítar og margt fleira.

Nánari útfærslu á fagstarfi, hugmyndafræði, markmiðum og leiðum má sjá í skólanámskrá Akurs.

Mat og umbætur

Leikskólinn Akur stendur á hverju ári fyrir umfangsmiklu innra mati. Hluti þess er framkvæmdur í tengslum við reglubundið innra eftirliti Hjallastefnunnar ehf. s.s. spurningakönnun fyrir foreldra og starfsfólk, athugun á lögbundnum gögnum skólans og rekstrarskoðun útisvæðis. Aðrir þættir innra matsins eru alfarið á vegum leikskólans og nýttir innan hans s.s. gátlistar fyrir foreldraviðtöl, skráning á vali og úrvinnsla úr hópatímaskráningu. Á grundvelli niðurstaðna úr innra mati hvers skólaárs vinnur leikskólinn umbótaáætlun. Ítarlega útlistun á innra mati leikskólans og umbótaáætlun má finna í skýrslu hans um innra mat.

Ytra mat á skólastarfinu er framkvæmt af sveitafélaginu ásamt Barna- og

menntamálaráðuneytinu. Auk þess kanna heilbrigðisyfirvöld reglulega aðstæður í leikskólanum og fagglitur aðili sér um árlega skoðun á útisvæðinu.

Samstarf við grenndarsamfélag

Leikskólinn Akur leggur sig fram um góð samskipti við grenndarsamfélagið. Á hverju ári býður bókasafn bæjarins börnunum á Akri að koma í reglulegan bókalestur, áður fórur við í aðalbókasafnið en eftir að nýtt bókasafn opnaði í Stapaskóla þá höfum við farið þangað einu sinni í mánuð . Þangað fá 5 ára börnin að fara í bókasafnsferðir og hefur samstarfið heppnast vel. Listahátið barna í Reykjanesbæ er á hverju ári og hefur leikskólinn tekið virkan þátt í henni. Leikskólinn Akur, Leikskólinn Holt og Akurskóli hafa staðið að samvinnuverkefni yfir veturinn, reglulega hitta elstu börn leikskólann nemendur í 1.bekk í Akurskóla. Einnig eru haldin sameiginlegir hittingar eins og jólasögustund og sumar partý svo fátt eitt sé nefnt. Einnig er Akur með óformlegt samkomulag við Víkingaheima um að fá að koma með barnahópa þangað.

Samstarf við fjölskyldur

Leikskólar Hjallastefnunnar setja samstarf við foreldra og fjölskyldur leikskólabarna í öndvegi. Leikskólinn Akur stendur reglulega fyrir atburðum sem efla samstarf leikskólans og heimilisins auk þess sem allskonar uppákomum sem tengja fjölskyldur við leikskólann er fagnað. Foreldrakynning var haldin af skólustjóra í byrjun skólaársins og var mæting góð. Svo var þeim boðið inn á alla kjarna til þess að sjá og upplifa hvernig starfið okkar er dagsdaglega og var þeim m.a boðið upp á að búa til leir, fara á valfund og fá nánari kynningu á dagskipulagi kjarnanna.

Foreldrar hafa boðið upp á foreldraframlag og er þeim ávallt velkomið að kynna eitthvað skemmtilegt og fræðandi fyrir börnunum. Við höfum fengið fiska úr sjónum til að skoða og snerta, móðir sem kom og bakaði með elstu börnunum, fiðlutónleika, óperusöng, afa sem spilar á kassagítar, foreldra sem hafa gefið okkur plöntur og gróðursett með okkur og svo margt fleira skemmtilegt. Við höldum áfram með okkar frábæru fjölskyldumorgna á komandi skólaári ásamt því að efla samstarf við grenndarsamfélagið. Á bóndadaginn bjóðum við í þorramorgunverð og á konudaginn bjóðum við í konukaffi. Þessir foreldra/fjölskyldudagar hafa mælst vel og er frábær mæting ár hvert.

Einnig er gaman að segja frá því að foreldrar og starfsfólk hafa sameinast um að elsti árgangur Leikskólans Akurs fari árlega í tveggja náttu ferðalag á vordögum ásamt kennurum í Vatnaskóg. Jómfrúarferð Akurs var farin 2017 og var almenn ánægja með ferðina. Svo mikil ánægja í raun að foreldrafélagið sá ástæðu til þess að gefa öllu starfsfólki skólans glaðning í þakklætisskyni fyrir vel unnin störf. Því höfum við stolt haldið í þessa hefð í gegnum árin og förum við enn með útskriftarhópinn í tveggja náttu ferð í Vatnaskóg á hverju vori. Ferðirnar hafa gengið vonum framár og hafa vakið mikla lukku fram að þessu.

Foreldraráð þriggja foreldra er starfandi við skólann og er hluti af stjórnkerfi leikskólans. Í foreldraráðið er kosið í september ár hvert á opnum foreldrafundi. Foreldraráð fundar að minnsta kosti tvisvar á starfsárinu og fer yfir starfsáætlun og skóladagatal svo og skólanámskrá leikskólans. Fulltrúar foreldraráðs Akurs skólaárið 2025-2026 eru Regína Hrönn Sigurðardóttir og Júlíana Karvelsdóttir.

Foreldrafélag er einnig starfandi í tengslum við skólann og stendur það fyrir margvíslegum upptakomum sem gleðja börnin s.s. sumarhátíð, leikritum og fleiru. Foreldrafélagið hefur frjálssar hendur um dagskrá í samvinnu við leikskólann og samræmist hugmyndafræði Hjallastefnunar. Við leggjum upp með því að foreldrafélagið bjóði upp á viðburði og athafnir til að auðga upplifun barna í leikskólanum. Fastir liðir hafa verið síðustu ár; Krakkahestar, myndataka fyrir jól og sumarhátíð hafa fest sig í sessi. Eins hefur foreldrafélagið boðið upp á þjónustu í samvinnu við leikskólann sem ætluð er að létta á barnafjölskyldum með því til dæmis að bjóða upp á jólaklippingu í leikskólanum og að fjárfesta í leikskólafötum fyrir fjölskyldur sem vantar aðstoð við að fjárfesta í skólafötum. Það fer þó í gegnum leikskólastjóra til að halda persónuupplýsingum sem trúnaðarmál.

Skóladagatal

Meðfylgjandi er [skóladagatal](#) fyrir skólaárið en það getur tekið breytingum sem uppfærðar eru jafnóðum á vefútgáfu skóladagatalsins. Upplýsingar um dagsetningar helstu viðburða í foreldrasamstarfi er að finna í skóladagatali. Breytingar á starfsdögum eru auglýstar með mánaðarfyrirvara samkvæmt lögum.

Reykjanesbær, 4. desember 2025

Foreldraráð leikskólans Akurs hefur kynnt sér starfsáætlun þessa og samþykkir hana fyrir sitt leyti.

Með bestu kveðju,

f.h. foreldraráðs leikskólans Akurs